

**H**EISTERBACVM *magnorum virorum sanctus* Ager, *gemina* hodie *producit virtutum Germina*, venerabilem HERMANNVM Abbatem & WILHELMVM Monachum (vti vocant) Conuersum, quorum primus magistratu admissò. demissione ac pietate omnibus charus fuit. Nunquam verbo minùs amabili aut perturbato, vllum alloqui est auditus: vino quoque ac belarijs nunquam aut raro usus. Alter mundo latere & soli patere DEO elegit, qui ipsi omnia erat, *Ex Fastis Gelenianis.*

## IUNIVS.

## II.

**A**QVISGRANI triumphus SS. PETRI *Exorcistæ* & MARCELLINI: quorum primus imperante Diocletiano, Artemij præfecti carceris filiam à Dæmone agitatã liberavit, eamq; cum vniuersa familiã ad S. MARCELLINVM perduxit, à quo & sacris undis abluti sunt. Quapropter à Diocletiani præfecto Sereno asperius castigati cum neque blanditijs, neque minis à recta fide declinantes, sed constantiores aduerteret, missos in carcerem, & pugnis contusos securi percuti

percuti iussit, ut in cælum securi evolarent. Ex  
*Mar. Can. Bre.*

## V.

**M**EINWERCVS X. *Padibornensium Præ-*  
*sul CLIVIO-Gelder Theisterbandiæ Comes,*  
 toto imperio spectatissimus, HENRICO Impera-  
 tori propinquus, cuius COR & ANIMA habebatur  
 & erat: quo mandante GOSLARIÆ A. C. 1009.  
 à Willegiso Archiepiscopo Moguntino con-  
 secratus, & A. C. 1036. 5. Iunij denatus est!  
 vixit cum eodem Imperatore familiarissimè:  
 eiusdem auspicijs sacra monumenta posteris  
 (præcipueq; *Padibornensi Ecclesiæ*) reliquit, & *Ab-*  
*dinchofensem Abbatiam* eâdem in vrbe, & insigni-  
 nem *Collegiatam* in *Busdorp*, plurimâque alia sa-  
 cra loca, sacella & Asceteria, proprijs impen-  
 dijs curavit, paternisque ex bonis, lautissimè  
 fundavit, summam quoq; *Padibornensium Ædem*  
 omnino collapsam à fundamentis extruxit, &  
 munificentissimè hereditarijs cimelijs dotavit.  
*Castrum ASPELIVM & RESSAM* (nunc *Cliwia* fir-  
 missimum munimentum) magno ære vendiderat  
 eius Mater ATHELA Saxonica, quâ pecuniâ  
 ipse, ut sibi debitâ ac receptâ *Padibornam* mu-

ris, fossis, vallis, usq; adeò altis inclusit, ut Deo & Principibus suis fida animosâq; Padibornēsium gens pyrobolis, tormentis, & variorum telorum ignitorum genere petita, non semel, eorum beneficio, hostes superioribus bellis reiecerit pedemque indecorè referre coëgerit. Cleri quoque sui ipse *Regula ac Norma* eundem exemplo suo ad omnem virtutum, religionisque honestatem trahebat; in sese asper, in alios benignus; viduarum, egenorum pupillorum & maximè illorum, quos pudor publicè mendicare non permittebat, Pater & Asylon, ut iure hoc illum elogio depingant *Annales*, Præfulem fuisse prudentem, & ingeniosum, magnanimum, iustum, DEI timentem, de Ecclesia sua longè meritissimum, in pauperes liberalem, tantæque virtutis, ut viuus ac moriens totam *Germaniam* in sui admirationem rapuerit. Ad miraculum usque memoriâ dignum est, quod *Casulam* seu *Pallium* sacrum, quo Anno Christi M. CCC. XXXVI. amictus sepulturæ traditus ac inhumat<sup>9</sup> est in *Crypta* S. STEPHANI *Proto-Martyris* sub principali Choro, atque ibidem trecentis & quadraginta annis in tumulo quieuit B. MEINWERCVS *Episcopus*, nec vermes  
nec

nec putredo absumpserunt, itaque hodieum  
*Casula integra est, ut quotannis die quintâ Mensis  
 Junij (quâ vitâ, S. Meinvercus exemptus est)*  
*Præsul Abdinchoffenis in ea celebret: Pallium* autem  
 hoc sacrum, ex albo Damasceno confectum  
 nostris, quibus nunc utimur, admodum dissi-  
 mile est: nam antè, retrò, & in vtroque late-  
 re clausum ac integrum, infra angustum, ro-  
 tundum, & apertum ad imos pedes demissum est:  
 supra foramen, per quod exserere Sacerdos cæ-  
 put possit; habetque fimbrias à fronte & à ter-  
 go aureis litteris intertextas. Studiorum sub eo  
 multiplicia floruerunt exercitia, & bonæ indo-  
 lis adolescentes Grammaticis, Dialecticis, Phi-  
 losophicis, Theologicis, Musicisque studijs,  
 imbuebantur, quæ sub *Imado* alijsque ei? Succes-  
 soribus florere quidem, sed tandem extincta  
 tamdiu sepulta jacere, donec ab incompara-  
 bili Viro & B. Meinwerco moribus, genio, af-  
 fectu erga inopes, naturâ, studijs, spiritu ac  
 fervore Ecclesiam suam augendi pari, Præsule  
 inquam Theodoro à Furstenberg, vniuersita-  
 te fundatâ, Collegio, amplissimòque ædificio  
 extructo, ea resuscitata sunt; ingenti Patriæ, fa-  
 miliæque suæ perillustri gloriâ, à quibus præ-  
 cellis

cellis maiorum suorum cogitationibus, non degeneraturum more recepto electum confidimus *modernum sanguinis ac sedis Successorem Reverendissimum ac Illustrissimum Principem & Episcopum FERDINANDUM à Furstenberg*, cuius erga bonas artes affectum (nobis etiam tacentibus) opera eius in lucem missa loquuntur, ut jure cum Patria exultante dicamus: *In te defuncti spectamus Præsulis Ora, Artus & Artes* quotidianis incrementis augendas. *Concilio Moguntino MEINWERCVS* interfuit & varijs signis illustravit, Præsidente *Aribone Archiepiscopo Moguntino*; & huius invitatu, *HENRICO* presente cui ita Religiosum ac suave *MEINWERC* ingenium probabatur ut eo publicis Imperij curis *animum lassatum recrearet*, velut in sideribus suis prolixè *P. Christophorus Brouverius*, & ex eodem recentè quidam bene eruditus probat *Anonymus*. nos pauca delibemus.

Constitutum erat aliquando *HENRICO Imperatori* in *Curia Episcopali* balneo uti; cave-ret proinde *Præsul*, ne quid ad lavandum deesset; *MEINWERCVS* tempore utendum ratus, occasionem hanc toti suæ Ecclesiæ, egentibusque quæstuosam hoc sancto stratagemate arripuit.

Excel-

excellentissimis ac tenuissimis agnellorum pelliculis Cæsari talarem Synthefin mustellarum iugulis in limbis circumductis, ad ingeniosius fallendū confici curat, quā & Imperatori bene lauto, ambitioso servitio subridens iniicit: splendidam vestem, primā fronte Cæsar admiratus mox peregrinas commissuras pinguiāque assumēta sentiens, vultu severiore assumpto, eiusmodi *Pastoriciam vestem Inurbanum Præsulem; non Cæsarem decere asserit; Episcopus vrbane reponit eam vestem totius Imperij Pastori Cæsari bellissime conuenire simulque exaggeratè commemorat* quantam illa vestis ovilibus suis cladem intulisset; nec destitit antè, quàm regali curte seu villa insigni ac pingui, bono egenorum & Ecclesiæ vestem illam Imperator redimeret.

Iterum Henricus patrio recepto more, Nativitatis pervigilio poculum illi mittit, generosissimo plenum vino, sollicitè ministrum monens craterem ut referat, quo imperata faciente donum Meinwercus commendat, & latorem honestis colloquijs, ac vario officiorum genere eousque detinet, donec advocati artifices poculum ( latissimā jam cuppā ) ad modum

calicis subito formâssent, Imperatoris ipsius, ut donantis, nomine basi inciso. Cæsar intellectâ strophâ probavit eludentis industriam, nihilominus ex composito craterem repetit, Episcopum monens, de proprio, non alieno & raptu liberalem esse; manè tamen in primo eius noctis sacro, contectali sua Chunigunde ( ut loquitur auctor ) comitante, aræ craterem imponit, Episcopo Ecclesiæ, & sibi, de dono usque adeò pretioso applaudente. Et cum pijs istis stratagematibus ( Palatinis, ac in primis Imperatrice, S. Meinwerci Zelo faventibus non semel ad aras exornandas petita cimelia retinerat; inno rari pretij pallium Augustale ( gratis sæpius petatum ) clam surripuisset, ac Cæsari id responderet identidem respondisset, non videri æquum, Christum Cæsare pauperiorem esse; neque jam usu suo Deo sacrata posse reverti; HENRICVS Sancto eius dolo, & ingenio delectatus, pariter cum eodem sanctis iocis lusit.

Aduerterat Imperator non semel, Episcopum Ecclesiæ suæ curis ac spiritu raptum, aliquoties tam in sermone, quam in publici officij recitatione, Barbarismis uti, proinde ipsum  
scienter

scienter nescium, & sapienter indoctum Imperator diceret. idcirco clam auctor Sacellano fuit, ut in collectâ defunctorum ubi (pro famulis & famulabus oratur) priorem syllabam ex missali eraderet; obtemperat Sacellanus, & dum pro *Parentibus Imperatoris faceret MEINWERCVS*, non literam quæ occidit, sed spiritum, qui vivificat, attendens, ut scriptum reperit, *pro mulis & mulabus* legit: ast actutum errorem agnoscens, repetitis verbis, quæ malè protulerat, correxit, rasurâ non animadversâ. Sacro absoluto, & Pontifici ad mensam inuitato Imperator insultans: Ego, inquit, *Patri meo atque Matri*, non mulis & mulabus meis missam celebrandam rogavi; at ille, *per Matrem*, ait, *Domini*, *Tu more solito iterum illusisti mihi, & non quoquo modo, verum in DEI nostri servitio, cuius ipse Vindex est & Judex:*

*Namque sibi factum non pertransibit inultum.*

Quo Zelo mox Canonicis in capitulū Principalis Ecclesiæ congregatis, Capellanum, Imperatoris huius rei Auctorem durissimè verberibus castigari iussit, ut qui ex pelle vitulina, seu pergameno scripta eraserat, pellem virgis bene conscriptam Imperatori offerret, quo suo malo



doctus Sacellanus, ipse quidem, sed minimè  
Imperator à iocis destitit, *Sanctorum istorum & Or-*  
*bis bono illustrique exemplo.*

Ad Mensam aliquando sedenti per angu-  
stam laquearis rimulam tenuem phyliram seu  
membranam auro inscriptam demitti Episcopo  
ob oculos iubet, quâ moneretur disponere do-  
mum suam veluti, quintâ die moriturus. Et cū in hor-  
to, cubiculo, variisque per Curiam locis passim  
DEI nutu (ut opinabatur) sparsas eiusdem sche-  
das argumenti reperiret, extremis viribus mun-  
dum posthabens, ad decretoriam illam horam,  
cōtinuis ieiunijs, vigilijs, aliisque corporis castiga-  
tionibus solitis & insolitis se cōparabat; & cum  
arcis cōfractis, quidquid auri, argenti, supellecti-  
lis, esculenti ac poculenti reliquum erat, opēsque  
mox deserturus, prodigam (ut solebat manu)  
inter egenos, solam sandapilam retentam, largè spar-  
sisset, in Crypta, strato cilicio (conscientiam pri-  
us animosam exhomologesi purgatam) pronus iacens  
inter continuos gemitus, suspiria, & lachrimas  
in amaritudine animæ suæ antea vitæ no-  
xas deflebat; sic in quintam diem conscientiae,  
Deoque uacans, cum nihil languoris, præter  
latrantem fame stomachum sentiret, doli quid  
latere

latere ratus, primis tenebris electo, dum ieiunij ferè enectum corpus reficere cogitat, algidum focum, culinam iratam, & à pauperibus devoratā sēsit, ut ditissimo Comiti, munificentissimo Fundatori, pauperrimo Episcopo, ex alieno vivendum fuerit. Postridie dum Ecclesiam ingresso certatim omnes de vita singulari Dei beneficio, bono Ecclesiæ prorogatā, & inter reliquos *Cesar* HENRICVS cum Palatinis huius fabulæ conscijs congratulatū accurrerent, non suum, sed in Episcopo illatum Ecclesiæ & DEO vilipendium molestissimè accipiens, omnes huius *Strophæ auctores conscios fulmine excommunicationis ictos, extemplò iussit templo exesse* donec crimen in Christum Domini admissum agnoscerent, debitèque deslerent. Perculit hoc inopinatum fulmen Palatinos, atque in primis *Imperatorem Imperatricemq;* fabulæ totius præcipuos auctores, templòque reverentiali timore egressi, erratorum veniam (certis, magnisque Aulæ Ministris non semel missis) rogant, quibus nil concedendum existimavit, *nisi in cinere, cilicio, excalceatque, ad templi Abdingofensis fores salutari exemplo pœnitentiam agentes, sua arbitria acciperent.* Quod dum *in tanto fastigio illustres collocata Anima* demissè

missè faciunt, nescias sanè *an His de humili obedientiâ, an Episcopo Meinwerco de Constantia in defendenda Ecclesiæ potius congratulêre.* Habet in Imperatore vir cordatus quod admiretur; in Imperatrice & Femina, quod imitetur; in Meinwerco denique omnis Clericus & fidelis anima, quod veneretur. Sanè cavillis excipiant id Christianum facinus hoc nostro tæto, subdolo, callidôque seculo; quo Politicismus mundum inambulat, Pseudopolitici ut velint; rideant tantam tanto prioris istius sæculi innocentiam, quo secundum faciem Sanctorum, Sancti cum Deo, & inter sese iucundè ambulabant; deliria inquam illi sua (quibus nulla Ecclesiæ reuertentia est) delirent; candorem tamen Sanctorum illorum sanctum hunc omnis posteritas, & Orbis Christianus loquetur, vivèntque nomina eorum in seculum seculi. *R. P. Christoph. Broverius in suis Sideribus, Gaspar Bruschius, Arnoldus, Brunnerus lib. 9. de reb. Boicis.*

## V.

**S**olemnis Commemoratio animarum, seu militum  
 in prælio Worringensi intra Coloniam & Dusseldorpium A. C. 1288. occisorum. In bello hoc  
 IOANNIS Ducis Palatini partes WALRAMVS Iulie  
 Brabantini EBER-

EBERHARDVS *Marchia*, BALDERICVS *Lune-*  
*burgenses* Comites secuti sunt. SIGEFRIDO *We-*  
*sterburgico* *Coloniensium* Archiepiscopo favebant.  
 REINOLDVS *Dux Geldriae*, & Adolphus *Nassovi-*  
*us*, inter quos duodecim horis in proclio seu e-  
 riceto *Worringensi*, æquo Marte & ita fortiter  
 pugnatum, ut sola ADOLPHI *Nassovij* manu  
 quinque nobilissimi Tribuni ceciderint. *Victoria*  
 tamen à *Brabantino*, sed multo sanguine stetit, *Ar-*  
*chiepiscopo Geldro* Duce *Nassaviòque* captis; qui po-  
 sterior IOANNI *Duci Brabantino* oblatus & quis  
 esset rogatus, se *Nassovium* Comitem professus,  
*Ducem*, & tu verò quis es? interrogat; cùmque *Bra-*  
*bantium* ipsum esse acciperet; prodigij id instar  
 habeo, inquit, te aciem gladij mei effugisse, qui te  
 solum mihi invisissimum petebat. & inter quin-  
 que fortissimos, militares præfectos sublatum  
 sibi persuasum habebat. Liberâ hominis voce  
 delectatus *Brabantineus*, *Westerburgio* & *Reinoldo*  
 maximo lytro dimissis, *Adolphum* muneribus hono-  
 ratum plenâ libertate donavit, ac perconstan-  
 tem amicum deinceps coluit. Quo viso affe-  
 ctu ADOLPHVS, non religione minùs illustis,  
 quàm armis, *Brabantineum* rogat, ut *Cælorum* ca-  
 davera erecto ad *Worringam* Coemeterio, & Sa-  
 cello

cello & terræ mandari imperet: quo libentissime annuente cæsorū hastis seu perticis collectis terræque Nassovij ductu & manu infixis sacelli Cœmeterijque locus designatus est: cui proin Beatæ Virginis *ab Hasta* nomen diu adhæsit. Quā in defunctos pietatē cælū rependisse *Adolpho* uisum est, quando A. C. 1292. *creatus Romanorum Imperator*. A. 1298. aperto campo concurrendo *ALBERTI Austrij* manu cadens totus exercitus iusta ei funebria unā cum Imperio rite persolvit. *Ex Perario.*

## VI.

**S**TEINFELDII, HEINSBERGII, ELLENÆ in *Julia; Hammerens, & Sanctis, in Clivia; Divi NORBERTI*, exuviarum solemnis expositio quibus nobilissimis & copiosis ortus parentibus, adolescens liberalibus disciplinis eruditus, in Archidiaconali Sanctensium amplissimo canonicatu, gratiâque Imperatoris ornatus, omnibus his cælo posthabitis, pelliceâ melotâ indutus, nudis, brumali rigore, pedibus incedens, prædicationi *Verbi Dei* se totum dedit; & cum per *utramq; Germaniam, Galliamq;* innumeros hæreticos in libertatem filiorum Dei asseruisset, peccatores ad pœnitentiâ, dissidentes ad concordiam revocasset

câffet, publico etiam *Orbis Christiani* commodo, *illuſtriſſimum Præmonſtratenſium Ordinem* fundâſſet; *inuitus ad Magdeburgenſem Archiepiſcopatum* euectus eſt, *miraculis, prædicatione, & Validico Spiritu plenus*, *Infulam*, quam alij *gemmis, ipſe virtutibus* ornauit, à Familiaribus non ſemel dicere auditus, malle ſe infernum, quàm vel vnicum peccatum veniale admittere, quod Chriſto illud (ut hominum & DEI malum) vnicè diſpliceat. Quo Spiritu ætatè que plenus optabat tenerri- me ad Ieſu & Mariæ conſpectū quantocyus euolare: & euolavit A. C. M. C. XXXIV. VI. Iunij non ſine ſingulari ſummæ lætitiæ ſignifi- catione debitam neceſſitati vitam reddendo. *Ex eius vitâ.*

## VIII.

**I**N perilluſtri *Effendiſi Eccleſia* *Translatio S<sup>r</sup> Marſi* Confefſoris, cuius *CORPVS* aurea in *hierotheca* quieſcens, publicæ ſubinde venerationi per annum exponitur. *Ex Annal. Per.*

## VIII.

**M**emoria *S. CLODULPHI*, ex *Mofellano Prin- cipe* *Epifcopi*; ex *Epifcopo Eremicole* qui tur- bas & temporalium negotia fugiens, *Silvâ plu-*  
rimis

rimis annis abditus, vigilijs item & orationibus  
cælestique meditationi vacans, vitam Angeli-  
cam vixit in quo Spiritus Sanctus mirabiliter  
requiescens, varia mortalibus beneficia piè pe-  
tentibus sub ipsius patrocinio, clementer o-  
stendit. *Ex Gelen.*

## XV.

**M**ONS ALCINOI (vulgò *Eltenberg*) genero-  
sarū Virginū *Abbatia* hodie gaudet *Lipsanis*  
& *Patrocinio S. Viti*, qui contemptis idolis & Dio-  
cletiani promissis, variisque tormentis laceratus  
post tot pugnas egregiè pugnatas *caput* offeren-  
do *Creatori suo*, se *vivo DEO vivum & immacula-  
tum sacrificium obtulit*. Sacrum eius CORPVS un-  
guentis delibutum nobilis *Matrona FLORENTIA*  
*in Marianno* religiosè sepelivit. CAPVT eius GAL-  
BIACVM *in Julia* præcipuo honore colit & pos-  
sidet. *Ex Annalibus Weneri.*

## XVII.

**S**IGENBERGÆ *solemnis Lux S. INNOCENTIS*  
*Sex Thebaorum Sodalitate*; cuius CORPVS à S.  
ANNONE *Archipræsule Colonienfi* vrbi illatum pom-  
pâ omnium Ordinum rarò ibi spectatâ. *Ex sa-  
crario eiusdem Ecclesie.*

## XVII.

**I**TEM B. TERESÆ ( siue THERESIÆ ) B. RICHEZÆ  
 consanguineæ S ANCTI Lusitania Regis Filie;  
 ARNVLPHI IX. Regis Legionis Consobrina & Con-  
 iugis; quæ tota pauperibus dedita, singulis no-  
 ctibus matutinum, quem vocant cursum, de  
 SS. TRIADE, tum de S. CRUCE, denique de Vir-  
 gine DEIPARA absoluit. Annexuit hisce votivas pro  
 mortuis preces, & Davidis odaria, coronam ter-  
 renam respuit, ut perennaturam haberet in Calis. Ex  
 Fastis Gelenianis.

## XIX.

**W**ERTHIMTÆ, seu in S. LVDGERI Insula,  
 B. HILDEGERMI Halberstadiensis Episcopi  
 & Confessoris, fratris eiusdem S. LVDGERI  
 Coapostoli, qui cum infinitam Gentium multi-  
 tudinem Christianâ fide imbuisset, ac per omnes  
 inferioris Saxonie Provincias, operarios in vi-  
 nea Domini ordinâset, susceptis pro fide glorio-  
 sis laboribus Doctoris & Apostoli Saxonie cog-  
 nomen illi adhæsit. & inter varia pietatis  
 edita signa expiravit, ac plurima post se miracula  
 reliquit, familiarem Sanctis Hereditatem. Ex Ann.  
 Werneri.

## XX.

**F**RUNDEBERGII in Mōasterionobiliū Virginū Or-  
 dinis Cisterciensis in Monte Hasleo secundū Rurā.



occidentalem *Comitatûs Marcani* imposito ad præmia *Sanctorum* evolavit *venerabilis* M E N R I C V S, ex illustri & præpotenti *Lubecensi Canonico* Eremita, ac *munificentissimus huius loci Fundator*, qui ut directius, expeditiusque ad DEVM contenderet, quanto poterat paupertatis amore omnibus, quæ vitæ degendæ necessaria erant, *nudus nudum Christum secutus est. Ex Ann. Perar.*

## XXI.

I N societatis I E S V Collegijs *Reliquiarum ostensio* festiva B. A L O Y I S I I G O N Z A G A E *Marchionis Castilionensis*, qui Principe genere ortus, ingentes opes *Christi amore* vocante cælo neglexit, SOCIETATEM I E S V ingressus *noxæ nullius gravioris sibi conscius Angeli nomen* meruit, *Adolescens*, quem exacta per omnem Religionis laudem vita humilitate, patientiâ, fide, pietate conspicua commendavit. *Romæ vivus mortuusque* multis miraculis illustris, anno M. D. XCI. æternitatis gloriosum iter iniit, ab *Ecclesiæ Galitum Albo* adscriptus. *Ex vita.*

A G R I P P O D V R E S. H E R M O L A I *Episcopi & Martyris* ex *Societate* undecim millium *Martyrum* in monte Ararat; cuius CAPVT terebrâ perforatum

perforatum in summa ( nunc Societatis IESV )  
æde ibidem religiosè colitur. *Ex Tabu. Eccles.*

## XXII.

**A** Bijt & ex humanis eodem die, *Aldenberge*  
*in Montibus venerabilis Abbas* THEDORICVS,  
integritatis opinione & munere regendi in-  
clytus, virtutum admirabilium splendore in-  
gens sui desiderium relinquens. *Ex Fast. Gelen.*

## XXII.

**A** *Niiversarius* B. CHRISTINÆ STOMELIEN-  
SIS, vitâ & miraculis illustis, *quæ in Stom-*  
*melen* ad annum usque M. CCCXLII. quievit,  
quo à WILHELMO primo IULIÆ Marchione au-  
ctoritate fratris WALRAMI Archiepiscopi Coloni-  
ensis NIDECAM indeque IULIACVM à WILHELMO  
*Clivie, Julia, Montium Duce* A. S. M. D. LXVIII.  
unâ cum *venerabili Capitulo* translata est. Vbi  
hodie *Tumulus eius* ad Chori ostium elevatus vi-  
situr. Eandem sæpius sibi apud DEVM Pa-  
tronam Animæ piacularibus ardentes flammis  
optârunt, supplices nonnunquam ad eam ma-  
nus tendere visæ. *Ex Annal. Perar. & Necrolo-*  
*gio eius loci.*

## XXII.

**H** AMMONA *Marchie* naturâ & arte muni-  
tissima

tissima civitas, eiusdem nominis colit CHRIS-  
 TINAM, cui non satis fuit animo *saucium in*  
*cruce pendulum IESVM corde aspicere, nisi corpore*  
*etiam stigmata (familiaria eius Signa) infingeret.*  
*vixit anno salutis M.CCCC. LXIV. Ex Fast.*  
*Gelen.*

## XXII.

DUSSELDORPII in Ducali Residentia, & Soci-  
 etatis IESV templo Translatio SS. Mar-  
 tyrum IRENTII, SAVINI, CYRILÆ & EUPHEMIÆ;  
 priores ROMA; posteriores Virgines & Marty-  
 res, Regnum Poloniæ ad votum Serenissima REGINÆ  
 ANNÆ CATHARINÆ CONSTANTIÆ dono misit, quib⁹  
 Serenissimus PHILIPPVS WILHELMVS more sua  
 Comes Palatinus Rheni, Julia, Clivia, & Mont-  
 tium Dux unâ cum serenissima Domina Vidua  
 Matre MARIA FRANCISCA, Serenissimâque Coniu-  
 ge ELISABETHA AMELIA, Nobilitate, Clero, Præsi-  
 dio, Urbèque universâ comitante extra portas ob-  
 viam progressus, piâ eisdem prece excepit: inde ab  
 equitibus perpetuâ serie dispositis, & ab effuso,  
 populo inter festas, ex munimentis, Rhenôque  
 ipso, tormentorum explosiones faustâsque om-  
 nium acclamationes, in Urbem Templumque Soci-  
 etatis adducti sunt; ubi Hymno Ambrosiano  
 & officio

& officio ab exquisitissimis per Germaniam Symphoniacis inter suavissimos modulos, atque fides dulciores rarissimâ Harmoniâ decantatis, S. SABINVS eadē, quâ inductus fuerat pompâ, festivè *in Arcem eductus*, *sacrario* eiusdem impositus est, *serenissimorum & orbis Tutelarum futurus*. *Ex Annal. Collegij.*

## XXVIII.

**I**N *Hoven ad Sulpiacum Virginum nobilium in Parthenone*, Venerabilis GVDÆ Virginis *Converse* memoria, quæ singulari obedientiâ, submissione, charitate, morum candore, & laborum patientiâ ita conspicuâ, DEOQUE grata fuit, ut culinaria officia obeunti CÆLITES cum Puerio IESV multâ luce spectabiles frequenter assistere visi sint. *Ex Fast. Gelenianis.*

## XXX.


**I**N *Patrum Societatis IESV EIFFLIÆ Collegio S. DONATI Martyris Translatio*, quem anno post Servatoris adventum M.D. CLII Româ eidem Collegio dono misit admodum reverendus in CHRISTO Pater GOSWINVS NICKEL ex *Coslar Iuliacensis Ducatus*, decimus SOC. IESV GENERALIS ex *Cœmeterio S. AGNETIS extra portam*

Portam Nomentanam, in Theca ex cedrino quadrilaterâ Eminentissimi MARTII CARDINALIS GINETI manu & sigillo munita: additis R. P. FLORENTII MONTMORENTII, aliorumque legitimorum literis & testimonijs. Sancti huius DONATI Martyris CORPVS magnâ tam incolarum, quàm accolarum omnis ætatis & statûs procedentium pompâ, ex pago WEINGARTEN in urbem Monast: EIFFLIE usque ad novę SOCIÆSV fabricæ locum ( in quo primus id temporis Collegij Lapis ponebatur ) inter frequentes civium & arcis festivas explosiones deportatum est; solempni ritu sacra Vrnâ apertâ ingenti spectatorum venerationis sensu Martyris LIPSANA ostensa sunt: quibus adiuncta lampas instar conchæ; ampulla etiam vitrea, sed diffracta, & adhuc sanguinolenta, tres quoque ferrei anuli filo ferreo nexi, vetustate ferè consumpti, quoddâmque aliud (auguramur instrumentum Martyrij fuisse) cuius ansa incurva, altera eius pars latior stricta. Quibus ostensis & visis iterum arcula conclusa est. Inde magnificâ cæremoniâ primi lapidis positio peracta, sacròque solempnifimè decantato, eâdem festivâ processione sacer THESAURVS, ad sacellum S. MICHAELIS quo Societas

*Societas nunc pro templo utitur, delatus est, tamdiu istic piâ veneratione colendus, donec in nouum, quod DEO adiuuante nunc consurgit templum, tansferendus, debitâ religione ac cultu honoretur. Ob tempestates noxias, ipso invocato, sæpius mirabiliter Cælo serenato fugatas, eius publico typo expressæ imagines, unâ cum tribus Chronographicis, sacrum eius adventum exprimentibus, illud Ecclesiæ adiectum supplicium: S. DONATE Martyr ora pro nobis, ut liberemur à fulgure & tempestate. Ex eius Collegij Annal.*

## IVLIVS.

Die I.

 HUMBIS, siue in pago Thumb prope Nideccam Iuliacense Municipium translationis SSS. Virginum FIDEI, SPEI & CHARITATIS filiarum S. SOPHIÆ, que sub ADRIANO Cesare anno partæ salutis C. XXX. cum neque blanditijs, neque minis à Christianâ fide declinantes paratè potius mori, quàm fœdari moribus Ethnicorum, constanter prætoris impietatem essent detestatæ ferro cæsæ victrices animas Cælo transmiserunt. Triumphat etiâ insigni hac Virginū

Q

Triade